

王慎軒著

女科醫問學寶驗錄

唐慎坊題



集 一 第



南京中医药大学图书馆版权所有

醫學淵妙

婦科九種

書雖元棟

義秘靈蘭

是書之表

實事求是

庶幾坤靈

介福有存

弟曾元恒謹題

慎軒學長雅鑒

女界福星

弟唐慎坊題



女科醫學實驗錄序(一)

范文正公曰。不爲良相。當爲良醫。誠以良相救國。良醫濟人。其功實相同也。矧乎研精闡微。著書立說。垂於後世。功尤宏也。吾友王慎軒先生。遂于醫理。尤擅女科。以濟世活人之餘。著女科醫學之書。已出版者。二十餘種。風行海內。有口皆碑。良以古來之工於著述者。往往徒泥古法而不知變通。雖有神妙之論。終鮮實用之益。繁於診治者。往往酬應冗忙。而不遑著述。雖有經驗之學。苦無遺傳之書。惟先生素無嗜好。研究不輟。視疾之外。輒事著作。夜以繼日。樂此不倦。故其立言也。盡從經驗而來。既無迂曲悠謬之論。亦無怪僻膚淺之談。抉理雖深。說理彌近。雖不知醫者讀之。亦能領悟焉。今又以其歷年經驗之方。治驗之案。擷取精華。彙集成編。顏曰女科醫學實驗錄。不特女科祕術。和盤托出。且於中國醫學。大有發明。洵爲醫界實用之書。女界必需之寶也。苟能人人讀此。必能使海內婦女之病。盡得救療之方。有功于世。豈淺鮮哉。是爲序。

民國十八年一月一日

古吳趙瀛洲序於滬上愛讀廬

女科醫學實驗錄序 (二)

慎軒先生著述女科醫學實驗錄既竣。宋生愛人記之以序。所以紀實也。先生迺脩書道謝。并問序於余。書中有云。得隴望蜀。不識同仁亦笑我貪耶。余曰。此貪之不傷廉者也。先生能貪人所不能貪。并貪人所不願貪。是貪亦何嘗爲大德累。余知近世之所謂沈溺於貪者矣。其上也者。貪之以要權厚祿。下也者。貪之以聲色財貨。尤其甚者。蠅營狗苟。巧取智奪。而又文飾己過。以廉自居。此世風之所以日下。而潔身自好者。所以以貪爲切戒歟。若談道講學。降尊下問。則余實罕見。抑若我能是。是亦足矣。我何爲貪求於彼。以傷我之廉。是人之所不能貪。且不願貪者。而先生獨貪之。此余之所以嘉許先生之貪也。先生醫學冠絕吾吳。治百科固無不工。而今獨以女科醫學實驗錄問於世。或者以婦女隱微。其疾疚之繁苛。有十倍於男子乎。譬諸傷寒雜病。凡男子之所有者。婦女固無不無之。而胎產經帶。凡婦女所獨有者。爲男子所必無。先生之以女科書問世者。所以概百科而言也。先生性誠篤。絕尠虛僞。書籍紀述。益信爲確有其事。而吾吳男女老幼。沐先生再造深恩者。固已口碑載道。無煩余

之贅述。惟博問好學。虛懷若谷。不獨學有可傳。卽行又可嘉。余固深惡世人之傷廉而好貪焉。而獨於先生。則又惟恐其貪之不好耳。子輿氏有言曰。我非生而知之者。好古敏以求之者也。余卽以此求字爲貪字之解。先生英年博學。聲譽醫林。將來造謁。與日俱增。余將何繇而卜之。將以先生之若何好貪以下之矣。先生乎。幸勿以貪謂傷廉焉。

七子山人顧恩湛允若謹撰於九折齋

女科醫學實驗錄

女科醫學實驗錄序 (三)

望聞問切。補瀉溫涼。醫之爲學。一以貫之。固無所謂若者爲內科。若者爲外科。若者爲兒科。與婦科也。自黃肯堂六科準繩編纂成書後。而醫之分科迺始。或者謂後世學者。窮經研古。火候功深。遠不及古人之精博。迺有精於此者。或絀於彼。則與其博而難精。莫若專一易工。此醫之分科所繇來歟。然而此論不獨不明醫科雖殊。而醫理實一。內科外科。不外乎望聞問切。補瀉溫涼。卽兒科婦科。亦何嘗越此望聞問切。補瀉溫涼。夫豈有望聞問切。補瀉溫涼。其臨時制宜。善於內科者。獨不善於外科。善於兒科者。獨不善於婦科。况靈樞素問。傷寒金匱。千金外臺等經典。而能參解透澈。運用自如者。則萬病莫能越其範圍。故精於此者。豈有絀於彼。不然。絀於彼者。必不能精於此。此理一經說破。雖愚者亦知其非。更不可以此衡吾王子慎軒之著婦科書焉。王子醫學。固深究乎靈樞素問。傷寒金匱。千金外臺等經典。而根深蒂固者。故其爲學。貫澈靡遺。固不論其爲內科。爲外科。爲兒科。爲婦科。但知望其色。聞其音。問其所苦。切其脈情。虛者補之。實者瀉之。寒者溫之。熱者寒之。心領神會。洞垣一方。而其

取效。則又立竿見影。其實至名歸。亦宜也。然而王子之著述婦科書者。非爲婦科書也。病爲婦人女子。而其學理。則無不一貫也。其望聞問切。補瀉溫涼。用之於婦人女子而效。用之於內外各科亦無不效。且用之於今日而效。卽用之於千百年後亦無不效。吾可斷言也。王子既著述婦科各書於前。今春又有婦科實驗錄繼之於後。王子誠心誠壽世哉。夫醫學之真憑實據。千古不磨者。厥爲實驗。有實驗則民食其德。而信望乃孚。然而醫之通病有二。其有事非實驗。竟敢妄謂驗案。炫奇誇能。淆惑觀聽。此其一。又有歷經實驗。視爲祕寶。終不宣露。卒至蒼桑世變。青囊失傳。此其二。此二者。用心相反。而厥罪維均。然又未可以論王子之婦科實驗錄焉。王子之婦科實驗錄。其事實確鑿。說理精詳。處方審密。奇驗昭著。記述則極其翔實。志趣則力尙公開。凡精於醫學者。誦此一卷。儘可有目共賞。卽未明醫學者。亦可開卷有益。良以義精辭達。各擅其美者也。噫。近世之善於望聞問切。補瀉溫涼。有幾人哉。吾於王子得其人矣。書成之日。樂爲之序如此。

吳江桐華里愛人宋翼時客吳門胥江顧氏醫廬

女科實驗錄序

(四)

治病難。治女科病尤難。故昔人有甯治十男子。莫治一婦人之嘆。著醫案易。欲確實經驗。信而有徵者不易。此惲師鐵樵。嘗於藥盒隨筆中慨乎言之。近賢醫案。惟歸硯錄診餘集諸書。能樸實說理。不蹈虛誕之弊。最有裨於後學。山陰王君慎軒。予金蘭交也。曾以第一名卒業上海中醫專校。復從名醫丁甘仁先生遊。見聞既廣。造詣益深。對於女科證治。尤具心得。懸壺吳門。以帶下醫馳名遐邇。迭愈危症。聲譽鵲起。四方學子。登門而請業者踵相接。蓋實至名歸。非偶然者。頃者出其所著女科實驗錄問序於予。予不文。何敢序君書。第念風雨鷄鳴。鞭策相勵。君獨好學深思。靈機善悟。竟有此特殊之成績。鈍質若予。望塵莫及。良自愧慙。因不揣譾陋。謹書數語。以誌欽遲。至本編治驗諸案。辨證之精。用藥之活。有目者當共賞識。毋俟予之贅述也。是爲序。

民國十八歲在己巳莫春

弟祝紹鈞懷萱氏謹序

(編者按) 尚有各地名人題詞序文多篇。容於第二集中刊出。謹此附啓。

經後外感治驗

婦人崩漏治驗

婦人血崩治驗

室女崩漏治驗

室女血崩治驗

老婦崩痢治驗

老婦經漏治驗

帶多腹脹治驗

帶下腫咳治驗

白帶如崩治驗

黃帶腹痛治驗

妊娠惡阻治驗

胎漏將墮治驗

孕婦昏厥治驗

懷孕兼癰治驗

產後濕溫治驗

產後大汗治驗

產後三衝治驗

產後霍亂治驗

產後泄瀉治驗

產後腹脹治驗

產後奇疾治驗

產後昏厥治驗

產後瘕厥治驗

老婦類中治驗

婦人瘡非治驗

少婦虛勞治驗

室女咳血治驗

室女喘腫治驗

臍脹似孕治驗

室女癩疾治驗

婦人肝癰治驗

婦人癰瘰治驗

婦人石瘕治驗

陰戶痰炮治驗

玉門腫痛治驗

女科醫學實驗錄 第一集

王愼軒著

門人

曹三省 陸志英 管桂芬
宋文玠 俞步卿 樊慧珍
樊須欽 汪錦珍 董志祥
徐淑欽 許倚文 張又良

全輯

虛勞不孕治驗

表兄謝炳如。年將五旬。膝下尙虛。伯道無兒。時興感歎。且其續弦之婦。又沾虛勞之恙。咳嗽音瘖。形瘦肉脫。潮熱自汗。幾瀕於危。甲子之春。適余應紹興敦源錢莊之出診。邀往醫治。余謂病勢已篤。恐難挽救。姑念戚誼。勉與擬方。用沙參、山藥、阿膠、兜鈴、牛蒡、甜杏、川貝、薺芎、淮麥、秫米、功勞葉、合歡皮、玉蝴蝶、冬蟲夏草、連服十餘劑。咳嗽大減。音聲漸揚。潮熱已退。自汗亦止。嗣余又應紹興下大路陳府之出診。再往診治。仍以前方加減。重用補脾之藥。爲培土生金之計。再服十餘劑。竟獲痊癒。後因多年不育。委擬種子之方。余謂種子之法。當先審其體質。察其緣故。使其身無纖微之疾。然後再服種子之藥。自然螽斯衍慶矣。遂爲詳細診察。擬以婦科八珍湯。去川芎、白朮、黨參。加沙參、丹參、阿膠、杜仲、川斷、白薇、紫石英等。間日服一

劑。後果身體康強。再服余製調經種子丹。遂舉一子。以此虛勞重症。尙能病愈而得生子。誠屬大幸。諒係表兄積德之所致歟。

帶多不孕治驗

振聲中學教員翁之堃君夫人。常熟人也。結婚以來。僅育一女。從此帶下綿綿。九年不孕。翁君年逾不惑。常興伯道之嘆。乃令其夫人來舍就診。診得脈象濡瀯。濡爲濕盛。瀯屬氣滯。乃與香附、鬱金、陳皮、沉香、苡仁、芡實、烏鰂、茜草、菟絲、川斷、寄生、威喜丸等。煎服三劑。再以前方加牡蠣、白芍、樗根等。改湯爲丸。令其常服。次年經停二月。胸悶泛噁。又來就診。診得脈象滑數非常。斷爲有孕。但於法六十日當見尺脈小弱。今反滑盛太過。恐其胎脈不固。有墮胎之虞。切宜慎之。逾一月後。其女友因病來診。云及彼不知謹慎。操勞過度。果致小產。良可惜也。

氣鬱不孕治驗

平江路協大酒號主人潘鎮海之夫人。因姑媳不睦。夫婦反目。致鬱怒傷肝。多年不育。委余診治。診得脈象弦瀯。弦爲肝亢。瀯屬氣滯。氣爲血之帥。氣滯則血亦滯。故經期腹痛而痕大也。肝之志爲怒。肝亢則易怒。故略遇小事而大怒也。大怒則肝火不靜。猶如赤地千里。焉得

生育。腹痕則諸氣俱鬱。猶如春風不至。奚能生發。是以望子之心雖切。而夢熊之兆終虛也。余乃先與理氣解鬱之湯劑。用香附、鬱金、柴胡、陳皮、玄胡等藥。繼投益腎柔肝之膏方。用熟地、沙苑、阿膠、魚鰾、菟絲等品。詎一料膏方。尙未服畢。而一粒珠胎。已得暗結。次年因感冒來診。大腹便便。已係有孕之婦矣。後得產生一子。其夫欣喜異常。曾來邀余赴湯餅之會。且從此夫婦和睦。誠爲家庭之大幸也。

裏急不孕治驗

光福鎮俞姓婦。結褵以來。已有九年。伯道無兒。深爲焦灼。欲求生育。乃委余診。診得脈象濡瀉。濡爲痰濕內阻。瀉屬氣機不利。氣濕互阻。濕注任脈。則爲少腹裏急。略有帶下。氣阻衝脈。則爲胸悶氣短。經期腹痛。先宜理氣化濕。而調衝任。連服十劑。脈象由瀉轉滑。氣機漸得流利。胸悶氣短已愈。帶下連綿亦減。惟少腹急迫。乃仿傳青主寬帶湯加味。再服十劑。而少腹急迫。又得告痊。帶下之症。亦已大減。脈象和緩而滑。病根既去。氣血已充。預卜夢闌之兆。已不遠矣。仍守原章出入。俾竟全功。近據光福有人來診云。此婦由先生治療之後。疾病已瘳。且已有孕矣。

經期多病治驗

江蘇高等法院承審員沈芝馨君之夫人。患月經病。已延一載有餘。服藥毫無效驗。嗣經其同鄉周裕如君之介紹。來寓就診。余診其脈。左弦而細。右濡而滑。兩尺鬱伏不揚。知係血虛肝旺。氣滯痰阻之證。氣滯則痰濕不化。血虛則肝陽易亢。肝陽上擾於頭。故致頭眩耳鳴。肝氣橫逆于中。乃爲脘疼脅痛。肝陽旺則經期趲前。肝氣滯則經前腹痛。探本窮源。純屬肝病。夫肝主血海。血海爲月經之來源。肝病未已。是以經病亦難愈也。法當養血以柔肝木。和胃而理肝氣。佐以化痰濕。理衝任。自有漸愈之望也。遂用歸身、白芍、烏鰂、茜草、香附、烏藥、陳皮、半夏、赤苓、旋覆、瓦楞、鬱金、合歡、川貝、枳殼、絲瓜絡、沉香、柚等。出入爲方。始則脘痛已止。繼則脅痛亦愈。至次月之經期已準。腹亦不痛。惟頭暈未已。適當冬令。乃仍仿前意爲擬膏方。每晨以開水沖服三四錢。於是諸恙均得告痊矣。

經後腹痛治驗

方書以經前腹痛爲實。經後腹痛屬虛。但亦有經前屬實。經後屬虛者。如余治護龍街寶姓婦。患經後腹痛。余斷爲肝旺氣滯。痰濕交阻之證。肝氣挾濕內阻。則爲經後腹痛。帶下甚多。

肝陽挾痰上擾。則爲頭暈耳鳴。驚悸。惺雜。加以四肢無力。面目浮腫。大便燥結。納穀不旺。舌苔白膩。脈象弦滑。弦爲肝旺。滑屬痰濕。雖其肝旺由於血虛。痰濕由於脾弱。但本虛標實之症。斷不可妄進補養之品。乃先與平肝理氣。而潛浮陽。如旋覆花、代赭石、半夏、茯苓、紫石英、靈磁石、煨天麻、白蒺藜、瓦楞殼、川貝母、烏鰂骨、生苡仁、橘絡之類。心悸。惺雜已減。頭暈耳鳴亦愈。再投平肝理氣。化痰滲濕之方。服後適逢經行。行而不多。腹痛腰痠。形寒怯冷。面目微腫。午後升火。尤屬肝旺濕盛之象。乃於前方加當歸、赤芍、真新絳、鷄血藤、養榮活血。而柔肝木。經停之後。腹中毫無痛苦。遂得全愈矣。此症若遵方書屬虛之說。而進補劑。勢必肝氣愈滯。痰濕愈盛。實實之弊。豈堪問乎。

經後外感治驗

齊門外陳姓婦。因經期之後。內傷生冷。外感風寒。引動肝氣。以致腹痛且脹。腸鳴便溏。形寒發熱。胸悶納少。舌苔白膩。脈象弦滑。余先與以蘇、藿、陳、苓、枳、殼、鬱金、沉香、麝、大腹皮、煨木香等。服後腹痛已減。痛移左脅。形寒肢冷。入夜發熱。乃與醋炒銀柴胡、蘇梗、香附、陳皮、旋覆、鬱金、枳殼、降香、橘絡等。次日脅痛已瘥。夜間之熱。移向午後。大便不暢。余再與柴胡、藿梗、旋覆、

杏仁、三子、二陳等。遂得大便通暢。熱退痛止矣。此等症候。治不得法。每易熱陷血室。致變昏厥重症。臨證之際。豈可忽乎。

婦人崩漏治驗

黃鵬坊橋弄玉器鋪主人王榮貴之長媳。始曾經閉八旬。少腹脹痛。繼則崩漏不止。血液渾濁。歷請諸醫診治。或以血熱妄行。用涼血清熱之劑。或以氣虛血脫。投補氣升提之方。諸法遍試。終鮮片效。纏綿不愈。已延三月之久。乃來求診於余。余診其脈濡數。斷爲濕熱內阻。血不歸經之徵。良由經閉之時。必有瘀血逗留。瘀血阻於血管之口。則新血不得歸經。且瘀血久停。必致蘊積腐化。釀成濕熱。濕熱蘊於子宮。子宮內膜炎腐。與血液混合而下。是以久漏不止。血色渾濁。此與宿滯之停於大腸。腸膜炎腐而爲痢疾者。其理相同。遂用萆薢、苡仁、澤瀉、茯苓、通草、車前、當歸、赤芍、丹參、香附、鬱金、貫仲、藕節等品。以利濕祛瘀。一劑而崩漏之血。混濁較甚。復方去當歸、赤芍、澤瀉、加滑石、川柏、苦參等。清化濕熱之品。崩漏即得大減。復因多食生冷。少腹痠脹。診其脈象。變爲濡瀉。知其內積之濕熱瘀血。又被寒冷所阻滯。乃於原方去川柏、苦參。加玄胡、金鈴、牛膝、陳皮。以理氣祛瘀。服藥之後。隨即攻下。瘀塊經漏因而即

止。少腹痠脹亦瘥。數月之恙。投藥數劑。遽奏奇效。誠大幸也。或問久崩必虛。何以補之不效。而先生易補爲攻。反能止血乎。曰。是在乎辨證之精確與否耳。此人素體壯盛。始曾經閉。少腹脹痛。明係瘀血內積之徵。繼以崩漏。血液渾濁。亦屬瘀濕內蘊之證。瘀血不去。新血焉得歸經。濕熱不化。崩漏安能自止。然則舍內經通因通用之法。奚足以愈其病哉。今人一見崩漏。概投補攝之劑。忌用攻下之藥。若遇此等實症。非特妄補而無效。必致誤補而益劇。甚或強止之後。變成膨脹勞瘵等症。余見甚多。良可慨也。

婦人血崩治驗

獅林寺巷周頌三先生之室。始因生冷傷胃。以致經停三月。繼因鬱怒傷肝。又致血崩甚劇。歷請中西醫診治。打針服藥。均無應效。嗣經其友人趙壽田先生介紹。邀余往診。當余至時。血崩最劇。少腹疼痛。攻撐有形。按之益甚。上則頭暈耳鳴。不能高聲。下則便祕澀少。久不更衣。心悸不寐。胸悶不食。余知此係衝脈爲病。蓋衝脈麗於陽明。屬於厥陰。始因生冷傷陽明之胃。繼則鬱怒傷厥陰之肝。肝胃兩傷。累及衝脈。衝脈起於胞中。散於胸中。是以上爲胸悶嘔逆。下爲腹痛崩冲。此當調理肝胃爲主。非見血止血所能見效也。乃與歸身白芍。養血以